

Skilmáli sjúkdómatryggingar

Skilmáli L-8

Vátryggingarsamningurinn samanstendur af skilmálum þessum, upplýsingum á umsóknareyðublaði og öðrum gögnum sem tengjast samningnum, bæði við upprunalega gerð hans og síðar. Vátryggingarskírteinið og þau atriði sem fram koma á því sem og ákvæði laga nr. 30/2004 eru einnig hluti af vátryggingarsamningi.

Í skilmálum þessum hafa eftirtalin hugtök eftirfarandi merkinu:

„Félagið“ merkir Vörður líftryggingar hf. sbr. a. lið 62. gr. laga 30/2004.

„Vátryggingartaki“ er sá sem gerir samning við félagið um sjúkdómatryggingu, sbr. b. lið 62. gr. laga 30/2004.

„Vátryggður“ merkir hinn sjúkdómatryggðaði, svo sem tilgreint er í umsókn, sbr. c. lið 62. gr. laga 30/2004.

„Vátryggingaratburður“ hefur orðið ef vátryggður greinist með einhvern þeirra sjúkdóma, gengst undir einhverja þá aðgerð eða hann hendi eitthvert þeirra tilvika sem skilgreind eru í tryggingunni.

„Samningur“ er það samkomulag sem í gildi er milli félagsins og vátryggðs um vátrygginguna

„Samningstími“ er sá tími sem líður frá útgáfudegi skírteinisins til þess lokadags sem þar er skilgreindur

„Vátryggingarfjárhæð“ merkir þá fjárhæð sem til greiðslu kemur ef vátryggingaratburður verður, og er í formi eingreiðslu

„Aldurstengt iðgjald“ : Iðgjald tryggingarinnar er óháð kyni, er reiknað af vátryggingarfjárhæð og breytist á hverju ári í samræmi við aldur vátryggðs

„Varanlegt“ þýðir ævilangt ástand þess einstaklings er tryggingin tekur til, óháð því hvenær tryggingatíma lýkur og hvenær einstaklingurinn hættir að vinna sökum aldurs.

„Vísitala“ er vísitala neysluverðs til verðtryggingar

„Fjármálaeftirlitið“ er opinber eftirlitsaðili sem hefur eftirlit með starfsemi vátryggingafélaga hér á landi, skv. lögum nr. 56/2010 um vátryggingastarfsemi.

„Verklagsreglur um áhættumat“ eru reglur sem félagið fylgir við áhættumat persónutrygginga, bæði eigin reglum og ítarlegum reglum endurtryggjanda á hverjum tíma. Upplýsingar er að finna á heimasíðu félagsins.

1. gr. Upphaf og lok ábyrgðar félagsins

Ábyrgð félagsins hefst, þegar félagið hefur mótttekið og samþykkt undirritaða umsókn um sjúkdómatryggingu ásamt öðrum nauðsynlegum upplýsingum og vottorðum, sbr. 1.mgr.74. gr.laga nr. 30/2004, en þó ekki fyrr en á þeim degi sem tilgreindur er í beiðni. Samningstími vátryggingar er skráður á vátryggingarskírteinið.

Vátryggður hefur 30 daga (iðrunarfrest) til að segja upp vátryggingunni, frá þeim tíma er honum barst tilkynning frá félaginu um gildistöku samningsins.

Eftir þann tíma getur vátryggður sagt vátryggingunni upp hvenær sem er á vátryggingartímanum. Vátryggingunni skal sagt upp skriflega.

2. gr. Iðgjaldagreiðslur og vanskil

Greiða skal fyrsta iðgjald þegar vátryggingin gengur í gildi og síðari iðgjöld á tilgreindum gjaldhöfum. Vátryggður fær 30 daga frest til greiðslu frá þeim degi sem félagið sendir kröfu um greiðslu iðgjalds. Sé iðgjald enn ógreitt þegar greiðslufresti líkur sendir félagið tilkynningu með áminningu um vanskil, þar sem gefinn er 14 daga lokafrestur til greiðslu. Krafa um greiðslu er send á heimilisfang greiðanda sem tilgreint er í þjóskrá nema hann hafi tilgreint annað heimilisfang sérstaklega. Vátryggingarsamningurinn fellur úr gildi ef iðgjöld eru ekki greidd að loknum veittum fresti.

3. gr. Réttur til að endurvekja sjúkdómatryggingu

Hafi vátrygging fallið niður vegna vanskila er hún ekki endurvakin nema gegn nýrri vátryggingarbeiðni með nýju áhættumati.

4. gr. Uppgjör ef samningi er slitið á vátryggingartímabilinu.

Ef vátryggingarsamningi sem gilda skal í eitt ár eða lengri tíma er slitið á vátryggingartímabilinu endurgreiðir félagið iðgjald vátryggingarinnar hlutfallslega.

5. gr. Uppsögn

Félagið getur sagt upp vátryggingu ef rangar eða ófullnægjandi upplýsingar hafa verið gefnar við töku

tryggingar eða váttryggingataki eða váttryggður hefur svíksamlega vanrækt upplýsingarskyldu sína.

6. gr. Svik og rangar upplýsingar

Hafi váttryggingartaki eða váttryggður svíksamlega vanrækt upplýsingaskyldu sína til félagsins um atvik sem haft geta áhrif á mat þess fellur ábyrgð félagsins til váttryggingar eða bótagreiðslu niður í heild eða að hluta, sbr. 83. gr. laga nr. 30/2004. Rangar og ófullnægjandi upplýsingar veita félaginu ennfremur rétt til að segja váttryggingunni upp, sbr. 84. gr. laga nr. 30/2004. Svo og öðrum váttryggingarsamningum sem það hefur við váttryggingartaka eða váttryggðan án fyrirvara.

Veiti sá er krefur félagið um bætur rangar upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur bótaréttur hans niður og félagið getur sagt upp öllum váttryggingarsamningum sínum við viðkomandi sbr. 120. gr. laga nr. 30/2004.

7. gr. Hvar gildir váttryggingin?

Váttryggingin gildir hvar sem er í heiminum.

8. gr. Áhættubreyting

Hætti váttryggður reykingum hefur hann kost á því að skila inn til félagsins skriflegri staðfestingu þess efnis til lækkunar iðgjalds. Váttryggður þarf að hafa verið hættur reykingum í 12 mánuði samfleytt til að þetta taki gildi og breytist iðgjaldið þá frá og með næstu endurnýjun að þessum tíma liðnum.

9. gr. Bótasvið

Félagið greiðir miskabætur í einu lagi í samræmi við váttryggingarfjárhæðina vegna bótaskylds váttryggingaratburðar skv. 11. gr. í skilmála þessum.

10. gr. Greiðslur bóta og vextir

Við greiðslu bóta úr váttryggingunni fellur váttryggingin úr gildi, nema í þeim tilfellum þar sem verið er að greiða bætur vegna barna váttryggðs. Greiðslur bóta úr váttryggingunni vegna barna váttryggðs hafa hvorki áhrif á váttryggingarfjárhæð né gildi váttryggingarinnar. Bætur eru ekki greiddar nema váttryggingaratburður sé staðfestur á gildistíma váttryggingarinnar. Eftir að váttryggingin er fallin út gildi er engin bótaskylda til staðar þó leiða megi líkur að því að sjúkdómar hafi verið til staðar meðan váttryggingin var í gildi.

Bætur eru ekki greiddar fyrir en sérfræðingur í viðkomandi sérgrein hefur staðfest sjúkdómsgreininguna.

Krefjast má greiðslu bóta 14 dögum eftir að nægar sannanir fyrir greiðsluskyldu félagsins hafa borist því. Um vexti af bótafjárhæðum fer samkvæmt 123. gr. laga nr. 30/2004

Félagið greiðir ekki kostnað vegna lögmannaástoðar né heldur annan kostnað sem stofnað er til vegna váttryggingaratburðar án samþykkis félagsins.

11. gr. Váttryggingaratburður og skilgreiningar

Váttryggingaratburður telst einungis verða, ef váttryggður verður fyrir miska með því að greinast með einhvern eftirtalinna sjúkdóma, gengst undir einhverja þeirra aðgerða sem taldar eru upp, verður fyrir útlímamissi, lömum, blindu, málstoli eða hlýtur alvarlega áverka eða brunasár, skv. nánari skilgreiningu hér á eftir.

Bótaflokkar, váttryggingaratburður og skilgreiningar.

Þeir sjúkdómar sem váttrygging þessi tekur til eru flokkaðir í fimm bótaflokka eftir eðli þeirra og tegund og er einungis greitt einu sinni úr hverjum flokki fyrir sig þrátt fyrir að váttryggður greinist með tvo sjúkdóma í sama flokki.

I. flokkur: HJARTA OG ÆÐASJÚKDÓMAR

Hjartaáfall/kransæðastífla (myocardial infarction)

Drep í hluta hjartavöðvans sem afleiðing ófullnægjandi blóðflæðis til hans. Nauðsynlegt er að öll þrjú atriðin hér fyrir neðan séu greinanleg og staðfest af sérfræðingi í hjartasjúkdómum:

- a) Dæmigerðir hjartakveisuverkir (brjóstverkir)
- b) Nýjar breytingar á hjartalínuriti
- c) Hækkun á hjartaensímum, Trópónínnum eða öðrum lífefnavísimum.

Undanskilið er;

- Hjartaáfall án ST-hækkunar en með hækkun Trópóníns I eða T.
- Önnur bráð kransæðaheilkenni
- Einkennalaust hjartaáfall

Kransæðaskurðaðgerð (Coronary bypass)

Vátryggður gengst undir opna hjartaskurðaðgerð að ráði sérfræðings í hjarta-sjúkdómum þar sem kransæðahjáveitugræðingur (CABG) er tengdur framhjá þrengslum í einni eða fleiri kransæð. Undir þetta falla ekki aðrar aðgerðir svo sem kransæðavíkkun eða blásning (angioplasty) eða aðgerðir með leysitækni eða um lítið op (Key hole surgery).

Hjartalokuaðgerð (Heart Valve Replacement)

Aðgerð á hjarta þar sem gerviloku er komið fyrir í stað einnar eða fleiri hjartaloka. Þetta tekur til aðgerða á ósæðaloku, míturloku, lungnastofnsloku og þríblöðkuloku þegar um er að ræða þrengsli, leka eða báða þessa þætti. Undanskilið er viðgerð á hjartaloku, valvuloplasty eða valvulotomy.

Skurðaðgerð á meginslagæð/ósæðaraðgerð (aorta surgery)

Vátryggður gengst undir skurðaðgerð vegna langvinnis ósæðasjúkdóms að ráði sérfræðings í hjartasjúkdómum, þar sem hluti ósæðar er skorinn burt og í stað hans settur græðingur (graft). Hér er átt við ósæð í brjóst- eða kviðarholi en ekki greinar hennar.

II. flokkur: HEILAÁFALL, LÖMUN OG MÁLSTOL

Heilaáfall/slag (stroke)

Sérhver blóðrásartruflun í heila sem veldur einkennum frá miðtaugakerfi og felur í sér drep í heilavef, blæðingu eða blóðsega/blóðrek með upptökum utan höfuðkúpu. Skilyrði er að einkenni varanlegra skemmda verði á miðtaugakerfi. Einkenni sem vara skemur en einn sólarhring eru undanskilin. Greiningin skal staðfest af sérfræðingi í taugasjúkdómum. Nauðsynlegt er að hægt sé að sýna fram á skert taugaviðbrögð í a.m.k. þrjá mánuði. Undanskilið er skammvinnnt blóðþurrðarkast (TIA), einkenni frá taugakerfi vegna mígrenis, meiðsl á heila komið til vegna áverka og heilaáfall án skerðingar á taugastarfsemi.

Þverlömum (Paraplegia)

Nær til lömunar í mænu sem á rætur að rekja til sjúkdóms eða slyss. Lömunin skal ná til beggja fóta og/eða beggja handleggja eða að minnst kosti annars fótar og annars handleggs. Lömunin skal vera varanleg og sjúkdómsgreiningin gerð af sérfræðingi í taugasjúkdómum.

Málstol (Aphasia)

Algert og varanlegt tap á málgetu á samfelldu tímabili í að minnsta kosti 12 mánuði. Sjúkdómsgreiningin skal staðfest af sérfræðingi í taugasjúkdómum. Undanþegið er málstol sem á rætur að rekja til sálrænna kvilla.

III. flokkur: KRABBAMEIN

Krabbamein (malignant tumor)

Illkynja æxli sem einkennist af stjórnlausum vexti og dreifingu illkynja fruma ásamt ífarandi vexti í vefi. Greining á illkynja krabbameini skal vera staðfest með vefjasýnum. Skilgreiningin innifelur einnig hvítblæði (annað en langvinnnt eitilfrumuhvítblæði) og illkynja sjúkdóm í eitla- og vessakerfinu svo sem Hodkins sjúkdóm. Undanskilið er:

- a) sérhvert stig af innanþekjuæxli í leghálsi(CIN)
- b) sérhvert forstig illkynja æxlis
- c) sérhvert krabbamein án íferðar (setbundið krabbamein)
- d) blöðruhálskirtilskrabbamein á stigi 1 (T1a, 1b og 1c)
- e) öll húðkrabbamein á stigi 1A (T1a,NO og MO) þar með talið sortukrabbamein

- f) sérhvert illkynja æxli samfara eyðniveirunni (HIV)
- g) þekjuvefskrabbamein í húð (Basal cell carcinoma og squamous cell carcinoma)

IV. flokkur: TAUGA OG HRÖRNUNARSJÚKDÓMAR

Heila-og mænusigg (MS-sjúkdómur) – með yfirstandandi einkennum

Varanleg greining á heila- og mænusiggi (MS-sjúkdómi) sem greint er af sérfræðingi í taugalæknisfræði. Til staðar þarf að vera yfirstandandi skerðing á hreyfigetu eða skynjun af völdum heila- og mænusiggs.

Hreyfitaugungahrörnun (MND) – er leiðir til varanlegra einkenna

Varanleg greining á hreyfitaugungahrörnun (MND) sem greind er af sérfræðingi í taugalæknisfræði. Allar gerðir af hreyfitaugungahrörnun eru bótaskyldar, þar með talin vaxandi vöðvarýrnun (SMA, e. Spinal Muscular Atrophy). Til staðar þarf að vera varanleg skerðing á hreyfigetu.

Alzheimersjúkdómur fyrir 65 ára aldur – er leiðir til varanlegra einkenna

Vátryggður þarf að fá varanlega greiningu á Alzheimersjúkdómi eða snemmkomnum vitglöpum (fyrir 65 ára aldur) greind af sérfræðingi í taugalæknisfræði, geðlæknisfræði eða öldrunarlæknisfræði.

Til staðar þarf að vera tap á getu einstaklingsins til að framkvæma allt af eftirfarandi atriðum:

- að muna;
- að færa röksemdir
- að skynja, skilja, tjá og bregðast við hugmyndum

Parkinsonsjúkdómur fyrir 65 ára aldur – er leiðir til varanlegra einkenna

Varanleg greining á parkinsonsjúkdómi eða öðru tilgreindu alvarlegu parkinsonskyldu heilkenni sem greint er af sérfræðingi í taugalæknisfræði. Þau parkinsonskyldu heilkenni er falla undir bótaskyldu tryggingar eru djúpkjarna taugahrörnun (e. Corticobasal Degeneration) og Lewy sjúkdómur (e. Diffuse Lewy Body Disease).

Til staðar þarf að vera varanleg skerðing á hreyfigetu með tilheyrandi skjálfta, vöðvastífleika og stöðubundnum óstöðugleika.

Eftirtalin atriði falla ekki undir framangreinda skilgreiningu:

- Önnur parkinsonskyld heilkenni

V. flokkur: AÐRIR ALVARLEGIR SJÚKDÓMAR OG SLYS

Góðkynja heilaæxli (Benign Brain Tumour)

Fjarlæging á heilaæxli innan höfuðkúpu sem ekki eru illkynja. Aðgerðin eða æxlið leiðir til viðvarandi taugrænnar truflunar. Greining þarf að vera staðfest af sérfræðingi og af niðurstöðum sneiðmynda eða taugariti af heila. Viðvarandi taugræn truflun þýðir að ástandið þarf að hafa staðið í a.m.k. þrjá mánuði (staðfest af lækni).

Undanskilið er:

- a) Blöðrur (cysts)
- b) Hnúðar (granulomas)
- c) Æxli í heiladingli eða mænu.
- d) Æðagallar í eða á slagæðum eða bláæðume
- e) Heilamar

Meiriháttar líffæraflutningar (Major Organ Transplantation)

Vátryggður gengst undir líffæraflutning sem þegi á hjarta, lunga, lifur, brisirtli, smáþörmum, nýra eða beinmerg.

Nýrnabilun (kidney failure)

Lokastig nýrnabilunar sem einkennist af langvinnri varanlegri bilun á starfsemi beggja nýrna og leiðir annað hvor til reglubundinnar blóðskilunar (hemodialysis), himnuskilunar (peritoneal dialysis) eða að nýrnaflutningur (renal transplantation) er framkvæmdur.

Alvarleg brunasár (Third Degree Burns)

Þriðja stigs brunasár sem þekja a.m.k. 20% af yfirborði líkama váttryggðs, staðfest af sérfræðingi með víðtæka reynslu í meðferð brunasára. Lund-Browder Chart eða sambærilegt matskerfi skal nota við greiningu.

Útlimamissir (Loss of Limbs)

Varanlegur missir tveggja eða fleiri útlima ofan úlnliðs eða ökkliðs vegna slyss eða sjúkdóms.

Blinda (Blindness)

Varanlegur og óbætanlegur missir sjónar á báðum augum vegna sjúkdóms eða slyss sem veldur því að þegar prófað er með sjónrænum hjálpargögnum mælist sjónin 3/60 eða minni á betra auganu með notkun Snella augnspjalds

Heyrnarleysi (Deafness)

Algjör, varanlegur og óafturkræfur heyrnarmissir á báðum eyrum vegna sjúkdóms eða slyss, staðfestur af sérfræðingi í háls-, nef- og eyrnalækningum og niðurstöðum heyrnarmælinga.

Alnæmi (HIV) tilkomið vegna blóðgjafar eða líkamsárásar

Váttryggður smitast af völdum eyðniveiru (HIV) eða greining á alnæmi (AIDS) og rekja má orsök þess til einhvers af neðangreindum þáttum:

- Smitið er tilkomið vegna blóðgjafar sem var nauðsynleg af læknisfræðilegum ástæðum og verður að hafa átt sér stað eftir að váttryggingin tók gildi. Forsenda er að heilbrigðisstofnunin sem framkvæmdi blóðgjöfina viðurkenni ábyrgð sína og að váttryggður sé ekki blæðari
- Líkamsárásar sem váttryggður verður fyrir.

Alnæmi (HIV) tilkomið vegna starfa

Smit af völdum eyðniveiru sem tilkomið er vegna óhapps sem váttryggður verður fyrir í starfi sínu samkvæmt venjubundinni starfslýsingu. Öll óhöpp sem mögulega geta leitt til bótakröfu verður að tilkynna til félagsins innan sjö daga frá óhappinu. Með tilkynningunni skal óhappaskýrsla fylgja ásamt staðfestingu á neikvæðri niðurstöðu úr HIV mótefnaþælingu sem tekin var strax eftir óhappið. Breyting í jákvætt próf (seroconversion) skal hafa gerst innan sex mánaða frá óhappinu.

Heilahimnubólga af völdum bakteríusýkingar (Bacterial Meningitis)

Bakteríusýking og bólga í heilahimnu eða mænu sem staðfest hefur verið af sérfræðingi í taugasjúkdómum með blóð- og mænuvökvarannsóknnum, tölvusneiðmyndum (CT) eða segulóm skoðun (MRI) af höfði.

Sjúkdómurinn verður að hafa leitt til varanlegs óhæfis til þess að framkvæma sjálfstætt þrjár eða fleiri athafnir daglegs lífs (ADL), baða sig, klæðast, afklæðast, fara á og nota salerni, fara úr rúmi í stól eða úr stóli í rúm, hafa stjórn á hægðum og þvaglátum, borða, drekka og taka lyf eða verður að hafa leitt til varanlegrar rúmlegu og óhæfis til að fara á fætur án utanaðkomandi aðstoðar. Þetta ástand skal hafa varað í a.m.k. þrjá mánuði samkvæmt læknisfræðilegri staðfestingu.

Alvarlegur höfuðáverki (Serious Head wounds)

Alvarlegur áverki á höfði sem veldur truflun í heilastarfsemi. Greining þarf að vera staðfest af sérfræðingi og niðurstöðum myndgreiningar á taugakerfi t.d. tölvusneiðmyndar (CT) eða segulóm skoðunar (MRI). Áverkinn verður að hafa leitt til varanlegs óhæfis til þess að framkvæma sjálfstætt þrjár eða fleiri athafnir daglegs lífs (ADL), baða sig, klæðast, afklæðast, fara á og nota salerni, fara úr rúmi í stól eða úr stóli í rúm, hafa stjórn á hægðum og þvaglátum, borða, drekka og taka lyf eða verður að hafa leitt til varanlegrar rúmlegu og óhæfis til að fara á fætur án utanaðkomandi aðstoðar. Það skal vera læknisfræðilega staðfest að ástand þetta hafi varað í a.m.k. þrjá mánuði.

12. gr. Takmörkun á ábyrgð félagsins

Aðrir sjúkdómar, aðgerðir og tilvik en þau sem talin eru hér upp sem bótaskyld eru ekki bótaskyld samkvæmt váttryggingu þessari.

Bætur greiðast ekki vegna krabbameins né MS/Heila-og mænusiggs (Multiple Sclerosis) sem greinist á fyrstu 3 mánuðum eftir gildistöku váttryggingarinnar né við endurupptöku hennar.

Bætur greiðast váttryggðum aðeins einu sinni úr váttryggingu þessari vegna hans sjálfs úr hverjum bótaflokki 11. gr., sjá einnig 24. gr. og bætur úr barnasjúkdómatryggingu greiðast aðeins einu sinni vegna hvers barns.

Skilyrði fyrir bótagreiðslur er að váttryggður lifi í a.m.k. þrjátíu daga frá því váttryggingaathurður var staðfestur.

13. gr. Barnasjúkdómatrygging

Bætur vegna barna eru greiddar váttryggðum ef börn þeirra, samkvæmt neðangreindum aldursmörkum, verða fyrir einhverjum af þeim sjúkdómum sem bótaskyldir eru skv. skilmálum þessum. Skilgreining á börnum eru börn og ættleidd börn váttryggðs, einnig fósturbörn og stjúpborn váttryggðs, sem eiga lögheimili og búa á sama stað og váttryggðir.

Eftirfarandi aldursmörk gilda um barnasjúkdómatrygginguna:

börn sem orðin eru þriggja mánaða og yngri en átján ára eru váttryggð fyrir váttryggingarathurðum samkvæmt skilmálum.

Bætur er 50% af váttryggingarfjárhæð eða 10.000.000,- krónur, hvort sem lægra er.

Bætur vegna sama barns geta aldrei orðið hærri jafnvel þótt í gildi séu hjá félaginu fleiri en ein sjúkdómatrygging. Greiðsla bóta úr sjúkdómatryggingu barna hefur ekki áhrif á sjúkdómatryggingu váttryggðs.

Eftirfarandi fellur ekki undir skilmála þennan:

- Ástand sem kemur til áður en barn nær þrjátíu daga aldri.
- Skurðaðgerð sem gengist er undir vegna ástands sem kom til áður en barnið náði þrjátíu daga aldri (jafnvel þótt skurðaðgerðin eigi sér stað eftir þann aldur).
- Ástand sem kemur til eftir átjándaga afmælisdag barnsins.
- Skurðaðgerð sem á sér stað eftir átjándaga afmælisdag barnsins (jafnvel þótt aðgerðin tengist ástandi sem upp kom fyrir þann afmælisdag).

Bætur eru ekki greiddar vegna ættleiddra barna ef hægt er að rekja orsakir sjúkdóms eða aðgerðar til ástands barns áður en það var ættleitt. Sama gildir um stjúpborn og fósturbörn.

Bætur eru ekki greiddar vegna sjúkdóma eða aðgerða sem sannarlega má rekja beint eða óbeint til ástands barns fyrir ofangreind aldursmörk eða fyrir töku eða endurupptöku váttryggingarinnar.

Nánar um greiðslu bóta, bótasvið og takmarkanir á bótaskyldu vísast í gr. 9,10,11 og 12 eftir því sem þær eiga við.

14. gr. Réttthafi

Váttryggður er réttthafi sé annar ekki tilgreindur sem slíkur í váttryggingarskírteini eða iðgjaldskvittun.

15. gr. Váttryggingarfjárhæð og verðtrygging

Váttryggingarfjárhæð kemur fram á váttryggingarskírteininu eða endurnýjunarkvittunum. Við endurnýjun skírteinis hækkar váttryggingarfjárhæðin og ársiðgjaldið í samræmi við á breytingu á vísitölu neysluverðs frá grunnvísitölu samningsins, sem skráð er á skírteinið, til vísitölunnar í næsta mánuði á undan endurnýjuninni. Lækkun vísitölunnar hefur ekki áhrif til lækkunar á váttryggingarfjárhæð né ársiðgjaldi.

Breytist váttryggingarfjárhæðin með aldri er það skráð á skírteinið og lækkar þá váttryggingarfjárhæðin árlega frá þeim tíma við fyrsta dag hvers váttryggingarárs.

16. gr. Frestur til að tilkynna um váttryggingaratburð

Váttryggður glatar rétti til bóta ef;

1. Hann tilkynnir félaginu ekki um kröfu sína innan árs frá því að hann vissi um atvik sem hún er reist á.
2. Hann hefur ekki höfðað mál eða krafist meðferðar málsins fyrir úrskurðarnefnd í váttryggingamálum innan árs frá því að hann fékk skriflega tilkynningu um að kröfu hans væri hafnað, sbr. 124. gr. laga nr. 30/2004.

17. gr. Fyrning

Kröfur um bætur úr váttryggingu þessari fyrnast samkvæmt reglum 125. gr. laga nr. 30/2004.

18. gr. Endurkaupsverðmæti og lán

Sjúkdómatrygging þessi hefur ekki endurkaupsverðmæti og veitir ekki rétt til lántöku hjá félaginu.

19. gr. Iðgjaldafrelsi (valkvætt)

Sé þess getið á váttryggingarskírteini öðlast váttryggður rétt á hlutfallslegri lækun iðgjalda skerðist starfsorka hans um 50% eða meira. Hægt er að sækja um iðgjaldafrelsi sex mánuðum eftir að starfsorkumissirinn hófst. Iðgjaldafrelsi getur að hámarki varað í fimm ár.

Beiðni um iðgjaldafrelsi skal berast skriflega á þar til gerðu eyðublaði og sendast félaginu ásamt nauðsynlegum gögnum til mats á starfsorkumissinum, félaginu að kostnaðarlausu. Til grundvallar mati á starfsorkumissi mun félagið leggja hæfni hins váttryggða til þess að gegna sínu venjulega starfi og möguleikum til að gegna öðrum störfum.

Váttryggðum er skylt að tilkynna félaginu strax og hann endurheimtir starfsorku sína að hluta eða að fullu.

Á meðan váttryggður nýtur iðgjaldafrelsis getur félagið krafist heilsufarsupplýsinga af honum, svo og læknisskoðunar á sinn kostnað.

Váttryggður öðlast ekki rétt til iðgjaldafrelsis:

- fyrir lengra tímabil en 1 ár aftur í tímann áður en beiðni um iðgjaldafrelsi barst félaginu
- ef skert starfsorka eða óvinnufærni er vegna bótaskylds atburðar samkvæmt 11. gr. þessa skilmála
- vegna sjúkdóma sem váttryggður hafði eða sýnt hafði einkenni fyrir gildistöku váttryggingarinnar, né vegna afleiðinga slyss sem orðið hafði fyrir gildistöku váttryggingarinnar
- ef orsök starfsorkumissis er af völdum styrjalda, hernaðaraðgerða, óeirða, uppreisnar eða svipaðra atvika
- ef orsök starfsorkumissisins er misnotkun áfengis, fíkniefna eða eiturefna eða þátttaka í refsiverðum verknaði.
- ef orsök starfsorkumissisins er af völdum ásetning eða stórkostlegs gáleysis.

Ákvæði um brot á upplýsingaskyldu, svik og rangar upplýsingar gilda einnig um iðgjaldafrelsi eftir því sem við á.

Um iðgjaldafrelsi gilda að öðru leyti almenn ákvæði skilmála váttryggingarinnar, eftir því sem við á.

20. gr. Réttur til hækkunar á váttryggingarfjárhæð án yfirlýsingar um heilsufar

Hafi sjúkdómatrygging verið samþykkt án álags og með venjulegum skilmálum getur váttryggður óskað eftir hækkun á váttryggingarfjárhæð án frekari upplýsinga um heilsufar sitt. Beiðni og nauðsynleg gögn þurfa að berast skriflega til félagsins innan þriggja mánaða frá eftirfarandi atvikum:

- Váttryggður eignast barn
- Váttryggður ættleiðir barn sem er yngra en 18 ára

Váttryggingarfjárhæðin getur að hámarki hækkað um 25% eða 3.500.000 krónur hvort sem lægra er. Umrædd hækkun váttryggingarfjárhæðar hefur sama gildistíma og sú váttrygging sem verið er að hækka.

Þennan rétt má nýta sér í tvígang. Réttur til hækkunar fellur niður frá og með 45 ára afmælisdegi váttryggðs, þegar tilkall hefur verið gert til bóta úr sjúkdómatryggingunni eða ef váttryggður hefur greinst með einhvern þeirra sjúkdóma, gengist undir eða bíður eftir að gangast undir einhverja þeirra aðgerða eða hann hent eitthvert þeirra tilvika sem teljast bótaskyld skv. skilmálum þessum.

21. gr. Breyting á iðgjaldsgrundvelli

Félagið áskilur sér rétt til að breyta iðgjaldsgrundvelli ef almenn áhættuaukning verður eða almennar forsendur váttryggingarinnar reynast aðrar en áætlað var í upphafi. sbr. 65. gr. laga nr. 56/2010 um váttryggingarstarfsemi.

22. gr. Þagnarskylda og persónuvernd

Félagið og starfsfólk þess fer með upplýsingar um sjúkdómatrygginguna sem trúnaðarmál og er bundið af reglum laga nr. 77/2000 um persónuvernd og meðferð persónuupplýsinga.

Félagið notar persónuupplýsingar sem aflað er vegna váttryggingarinnar aðeins við mat á váttryggingarbeiðnum, í því skyni að meta þörf á váttryggingarvernd og veita váttryggingartaka ráðgjöf um val á tryggingum, við afgreiðslu bótaskrafa, upplýsingagjöf til váttryggingartaka og við aðra eðlilega starfsemi félagsins. Félagið leggur ríka áherslu á öryggi og trúnað við meðferð persónuupplýsinga. Upplýsingar um viðskiptavini félagsins eru ekki afhentar þriðja manni nema samkvæmt skýru umboði, lögum eða dómsúrskurði.

23. gr. Meðferð ágreiningsmála

Með frágangi formlegs málskots og greiðslu málskotsgjalds er unnt að leggja ágreining um bótaskyldu, sök og sakarskiptingu auk ágreinings um atriði er varða ákvæði laga nr. 30/2004, fyrir Úrskurðarnefnd í váttryggingarmálum, sem vistuð er hjá Fjármálaeftirlitinu.

Þjónusta þessara aðila eða málskot til þeirra skerðir ekki rétt hlutaðeigandi til að leggja málið fyrir almenna dómstóla hér á landi.

24. gr. Endurnýjun váttryggingaverndar.

Falli váttrygging þessi úr gildi vegna greiðslu bóta vegna sjúkdóms úr einum eða fleiri bótaflokkum skv. 11. gr. skilmála þessara, á váttryggður rétt á, innan þriggja mánaða frá því váttryggingin fellur niður, að kaupa nýja samskonar tryggingu og án nýrrar heilsufarsyfirlýsingar. Undanskildir úr þeirri tryggingu verða þó þeir bótaflokkar sem greitt hefur verið úr áður.

25. gr. Varnarþing

Mál sem kunna að koma upp vegna váttryggingar þessarar skulu rekin fyrir Héraðsdómi Reykjavíkur

26. gr. Lög um váttryggingarsamninga

Að öðru leyti vísast í skilmála á samningi eða öðrum gögnum sem samningurinn byggir á, váttryggingarskírteini og lögum um váttryggingarsamninga nr. 30/2004.

Skilmáli þessi gildir frá 1. júlí 2015